

四庫全書

集部

欽定四庫全書

弇州四部稿卷二十六

明 王世貞 撰

詩部

五言律一百二十六首

上谷雜詠

十萬嫖姚騎縱橫大漠旁至今聞瀚海不敢道楊王鍊
券埋秋雨金戈卧曉霜撫髀人自急高塚下牛羊

其二

尚憶譚家馬，驕嘶紫塞中。
王庭愁漢月，邊羽快秋風。
一戰人誰得，孤城地已空。
不知麟閣上，寂寞漸誰功。

其三

海內兵戈徧，茲方可晏然。
生兒恒守舍，與鬼不分年。
馬失來時道，雕盤戰後天。
城中七萬戶，簫鼓舊喧闐。

其四

曠騎名非少，司農日不供。
黃金仍道路，白羽轉從容。
自

昔乘春障何人念夕烽
飽飛諸節度寧羨徹侯封

孟夏上谷署中夢客攜商山四皓圖令余賦之

尚憶商山聘千秋卧未深
兵戈留地肺羽翼轉天心
衰矣紫芝詠惜哉黃鵠吟
宜應龍變化來去杳難尋

病

病豈長途事仍勞藥餌扶
未饒詩寂寞且厭酒模糊
入塞身初屬論兵氣未蘇
猶聞羽書至戰血滿三吳

其二

羽檄成茲病人間藥物賒縱歸猶是客小憩暫為家世
事老難必吾生愁未涯欲從詢上帝浩蕩斗間槎

夜遇子相城西同宿

遇爾不自意驟回雙眼青立談過深雨把酒盡殘星此
夜真同醉明朝又獨醒亦知吾道在那敢怨飄零

其二

天地事何限風霜吾自讐如何三月別頓盡百年愁未
易蛾眉老何當駿骨留停鞭又揮手斗氣淺幽州

碧雲寺逢王元肅

豈謂招提境逢余萬里歸故人歌出塞游子淚沾衣烽
火垂成劫衣冠未息機去留俱不可執手意飜飛

答于鱗

向來憐影意豈謂欲騰驤吾黨無中駟君才老太行別
筵人又改借箸策誰長莫作懸車問浮沉總不妨

其二

為問長安態縱衡日與新好龍兼廢似應馬遂為真但

自稱知己相留讓衆人
乘桴余敢後滄海浩無津

寄潘德元

十上書空就荷衣
太識君倦游
讒白雪多路薄青雲客
况難深語鄉書漸怯聞
還應賦秋興或可慰離羣

雨後河間道中

驅傳稍出郭川原鬱蒼蔥
初晴樹猶雨薄暮蘋自風
魚鳥俱有造雲霞一何工
澹然忘其往寧悲途路窮

自安州改陸泛小艇趨保定即事五首

豈謂驅車地長年問鄭州
席迴風四面珠迴月中流
剩室新鮫杼危城隱蜃樓
鳴榔更伊軋頓起故園愁

其二

曠望天無際能令客思醒
雨拖雙柱白山抹半螺青
小酌扶吟嘯孤帆破杳冥
如何未搖落飛葉灑風汀

其三

大澤晝多霧北風天又陰
坐圍山似髮看遠樹如簪
倏忽漁樵計艱危道路心
恠來聽鼓柁稍類越人吟

其四

高原出殘黍雨色似蕪葭搔首雲徐葉迴梳浪欲花魚
龍更故宅蛙黽競生涯銀漢翻應淺難呼使者查

其五

萬壑中原匯諸方澤國遷急流趨割地遠勢拍兼天真
宰何兒態馮夷又帝權未須驚野哭甲子是堯年

書懷

燕雀將風甚蝸蟾計日吟眼衰頻入態髮短不勝心黯

淡安爭席徘徊罷鼓琴故園戎馬意蘿薜太難禁

其二

節序流螢色風塵病客杯壯懷依事改衰鬢先年來自
忍窮途味翻悲異代才微官去不果衆毀任相催

與俞按察登大佛閣分韻得深字

霜旌逗玄刹秋色滿祇林萬井夕陽盡諸天雲樹深醉
來扶感慨別至畏登臨君欲彈流水誰傳空外音

又得身字

飛剝頰嶙峋超然萬界新法蓮跌玉井靈鷲捧金人豈
謂相逢地俱成不住身論文竟何日揮手向迷津

咏大佛又得身字

何來布金地螺髻插星辰謂爾原無相憐予亦幻身泥
洎去兜率舍利落微塵不見臺城叟終為有漏因

秋日過于鱗郡齋分韻十二體得門字

握手未能畢新筍香滿樽白雲供使者寒色傍州門一
哂中原過新詩異代論長安故人地車馬自言尊

邢州別于鱗

西來天地圻無恙
太行城二子狂歌發
千山秋思生
世人殊黯淡
何物與縱橫
不獨文章在
兼齊拙宦名

其二

春花杜陵陌
慷慨各沾襟
不謂人間地
重扶海內心
題詩揮白日
把酒笑黃金
欲緩征車路
闕門斗氣沈

別大名王守明輔羅倅虞臣

誰令雙玉樹
嫋嫋西風前
別酒使君醉
高樓明月懸
張

帆飽秋色鼓柁下淇川回首豐城劍時時並斗邊

贈王羅二子

跼蹐時才甚浮沉敢望憐自逢雙白璧不惜五朱絃吏
事吾寧左詩名爾競前好將車馬地一一問長年

由天津汎舟趣霸水次夜泊

高帆去不極天際見人家繫網青楓樹藏舟白荻花迴
風喧鴈鷺隙月上魚鰕亦有垂綸地兵戈敢自誇

其二

柴門半侵水入夜蘋花寒野老不識拜兒童頻指看魚
鹽僅成市雞黍一為殮莫恠慵移楫人今此地難

貽子相

薄祿藏吾道移官拒物情簿書空自老衣食自難輕漸
削崢嶸跡誰探黠淡名語君無一可只是學歸耕

貽應比部在明

屈指交游在相論涕淚中草成何地碧楓落故年紅心
事誰偏就生涯漸許同還期大河水雙柁鼓春風

王丈比部以二詩見懷率爾有答

公我丈人行誰其同舍郎白雲辭漢更寒月滿胡牀蹤
跡時相掩詩篇意未忘金明無地入矯首問蒼茫

其二

別來凡幾日霜色轉關榆一剖黃河鯉雙遺明月珠故
人元不薄世路轉多虞問我疎狂態君還道有無

哭故鴻臚卿王公楠

十年符節令一拜鴻臚卿拙官元君事辭官豈衆情吾

方要坐隱天忽忌歸耕未有延陵劍秋風涕淚橫

其二

難弟元方並無兒伯道傳青雲晚更薄白髮病仍偏尚
憶山陰墅誰題京兆阡西州舊游地騎馬醉潸然

移司順義有作

孤城寒色裏粉堞自悲茄行飯數秋葉携書當晚衙誰
言是官長我意等山家獨有清尊盡金魚未許賒

其二

偶然吏事薄敢與山林期
白日乍依我青雲將問誰禽
歸落霞色花吐凌霜枝
欲謝愚公署恐令車馬知

得子與書有感

莫問春來色人間漸不如
使星雙戰地兵火數行書
白髮誰堪少青山也自踈
踈踈但杯酒深愧呂安車

贈萬生

看君諫議後疏草篋中遺
舊業青山少窮愁白雪疑
書成人未達酒至爾何辭
他日相如貴毋忘滌器時

明卿為刪定余詩謝之

黯淡看人足崢嶸得句過偶然酬造化未敢問江河後
世誰相定浮生肯自多還須太玄就埋著楚山阿

偶得佳酪巨螯兼致新菜遂成一章

醞乳行溫玉烹苔間碧綠螯雙落吾手杯百竟何辭不
作他鄉味翻深故國思醉來時自哂張翰亦吳兒

王徵君有子及羣從獲雋駢此贈之兼為酒約

可憐王君公避世墻之東玉立雙桂樹金枝向秋風把

臂牽小阮迴車呼阿戎便須釀美酒要我竹林中

邀李河內石給事冷太僕於使院園亭觀菊

小閣餘幽賞西風菊數枝徑延三益近花殿衆芳遲薄
祿猶能釀微名懶自持王弘郡齋好籃輿倘相隨

李二丈給事以詩謝不赴看菊之約走筆倚和

不謂吹篴侶彌甘在澗窮濁醪玄夜隔高枕白雲同處
士逃何點通家識孔融祇應池草助內史句逾工

厥兄
河內

以詩
來赴

寄張大侍御遷吏部郎

向來周柱史仍作漢郎官不盡明光疏還留啟事看青
雲歸藻鑑白日動衣冠解道嵇康懶書成也自寬

歲暮事稀偶展白傅長慶集不覺有入戲作

亦知憂造物衰怯未辭官薄祿消無計微名損甚難書
齋陶甃舊燈火白詩殘依約中人業青天可見寬

閒居偶成

偶然吏事簡地寂春風偏小類山中日因窺靜者年啼

鶯狎久坐垂柳伴三眠却笑陶徵士猶煩山海編

呼酒

草坐啣啣鹿花含宛宛鶯祇應要從事來此伴先生醉
即稱中聖衰從喚老兵嘯嘯詩欲吐只是畏浮名

雨後途見白雲甚竒率爾作

宿雨淨秋旻青天掩白雲孤峰秀突兀疊嶺琢氤氳雪
似崑崙擁山疑玄圃分因風乞遺屑持報華陽君

初秋端居即事效初唐體

雲衣垂玉蓋，荷淚滴珠叢。
流螢助幽寂，鳴蟬生晚風。
孤心合浦葉，遠調嶧陽桐。
百感依涼至，煩暑未須攻。

答峻伯

雪裏薊門樹，北風鴻鴈寒。
故人五載別，逼歲一書看。
拙宦謀誰長，浮名損自寬。
論心竟何日，天地轉艱難。

其二

書來知汝到，飛動意難禁。
早晚辭天目，棲遲豈衆心。
青袍論舊少，白髮著書深。
莫問公車意，君王在上林。

偶懷吳明卿

對酒歌天末，潛然記逐臣。
泥塗名總大，海嶽意誰伸。
自汝愁懷壁，何人不貴璠。
豫章春水地，濛濛好垂綸。

將赴青州道別醫友王昌年

荒城不忍別，濁酒暫相親。
病骨真須汝，離顏轉向人。
雖無郭泰楫，尚有呂安輪。
寄語雲門勝，應催發興新。

其二

海內猶烽色，微官到自嗟。
我行何處是，汝返未為家。
落

魄交多改銷魂夢轉餘鳴鷗又衝雪深羨暮棲鴉

曉行靜海道中

北風鼓殘臘河底壓春聲敲石五更飯鳴雞三里城雪
妍枯枿態月醞早霜情馬足何勞問乾坤任此生

吳橋道中

三輔行將徧孤城客久稀朔風深引幔寒日淡沾衣何
物人堪老浮名計總違黃塵滿天地不點北山薇

途中雜詠

出郭已十里晨炊猶未烟浮雲濟陽樹殘雪隴陰田蔓
雜鈎衣轉坡深隱幔偏那能怨行役馬首正茫然

其二

褰帷過殘臘春事復離亭日氣搖沙白水文壓浪青饑
烏驚復下倦馬策還停霎霎疲奔命誰能辨使星

其三

征途時一哂蓐食向青山物態腰章後時才手板間漸
衰寒自骨久客厚歸顏細數浮生事漁樵亦未閒

其四

世情安磬折吾計轉蕭森
已是長途骨無輕遲暮心
詩篇仍稍稍杯酒遽沈沈
回首雲門路春山恨與深

偶成

罷案無他事行行自灌畦
千山來拄笏一鳥過支頤
風雨春時變雲霞晚更移
人間聊屈指何處著吾詩

其二

何山能小魯此地亦東秦
不盡褰帷色猶餘抱案身
微

名寧礙世薄宦轉關人莫問長安道春來事事新

寒食治園道過大馮子

客路兼寒食千林雨雪霏俱言仲春盡怕是落花飛禁
火柴門掩穿雲獵騎歸向君需社酒還復理冬衣

治園池亭

小憩據胡床清尊酒未央寒花點新社踈柳出橫塘魚
鳥來相近琴書課不妨愀然心自語薄業太湖傍

臨胸道中遇雪

三月明朝是初憐景物催孤村重見雪十日舊聞雷寒
暑寧闕候經綸各競才龍蛇空自出戒爾急須迴

過冶泉

偶經盤石坐下有暗泉過受月苔陰少分雲竹色多幽
巖答樵斧小屋見漁蓑不淺滄浪興風塵可奈何

端午日獨坐長山署中有感

亦知佳節在掩卷自沉吟乳燕窺人靜飛花染坐深綠
絲兒女事紈扇歲時心有酒誰堪酌徒令百感侵

其二

探符與薦黍茲俗向曾經多難兵何辟窮愁客轉醒柳
風陰汎汎城日晝冥冥欲擬懷沙賦人間未忍聽

喜汝思東巡

天遣故人至頓然消百愁崢嶸尊北海顛倒榻南州一
動延津氣雙驅碣石游無須怨行役秋興日相酌

萊陽發道中

朝辭萊子國夕指齊佳城羽檄自旁午輪蹄交質明微

官奔命熟多難置身輕敢謂雲臺上書生有姓名

其二

襤褸亦何道驅馳非所憐叩門棲鳥後炊飯鳴雞前
杳海如髮淒淒月似弦十年當此際多負北牕眠

諸城山行

涓然衣帶水忽入松蘿間海雨醞秋色山風澄客顏
窈徑欲盡窈窕谷堪攀濟勝豈無具能如玄度閒

夜過丘給事懋實

亦知朝省貴猶是孝廉居四壁已如立一瓢都不餘悠
然見肝膽偶爾及詩書街鼓由他競難催刺史車

其二

苔色車從破庭陰榻不妨絺衣挂殘日茗椀過新涼世
事難深竟詩名好細歲自憐無一解得爾愛吾狂

其三

使星齊下邑巷樹魯東家小立匏尊具清言布帽斜援
琴為山水倚杖即雲霞暫失人間態風塵到自嗟

其四

為載嵇康酒來陪阮籍
碁故人青眼在高枕
白雲知海色清殘暑
花陰逗晚颺莫須成
故事折簡便新詩

七夕過宋丈憲副

稍覺城烏隱天孫可見過
巧應非爾力拙自定誰
多餘興殘瓜果新涼進
芰荷還憐宋之問不擬賦明河

真定劉倅高第就徵

手板劉明府徵書漢省垣
已收三輔最將益九重尊往

事滿堪伏清朝草易存波臣正愁絕揮涕問千門

李乾州風鑑妙天下不輕為人言然獨數數屬意

余因賦答之

水鏡慚相問人今豈卧龍尚餘難折項猶屬未歸容強
飯終玄草留書比素封此生何所慕杯酒莫辭釀

其二

久爾稱人相如吾杜德權青雲他燕領赤日自鳶肩翫
髀虞翻骨輕肥蔡澤羊小儒那足道天地亦茫然

答吳明卿

匡山報無恙，逐客且盤桓。
天地終難快，風霜稍見寬。
瀑飛千嶂曉，峽隱萬松寒。
不分吳明府，猶能寄一官。

其二

敢倚金緋在，蹉跎悞此身。
時危輸小吏，氣盡傍時人。
自古文章理，尤深放逐臣。
扁舟五老下，隨意破沈淪。

其三

風塵催間闊，海嶽問離居。
數掩蛾眉鏡，難憑鴈足書。
物

情吾豈敢詩態爾何如莫作窮途恨千秋幸未踈

其四

七尺如龍馬縱橫鐵衲襠試言開府使何似尚書郎老
去身終擲思歸事未償中原一片地白羽正相望

為李千里悼亡

東風吹濟水零落百花陰未遠乘龍事空餘射雉心薄
寒憎簾入明月鑒帷深欲掩安仁涕情來自不禁

答王新甫

使君殊好在五馬看仍驄說劍豐城色振衣天柱風官
携心事遠詩離物情工滿目交游態高秋有一鴻

其二

問訊勞相及秋風阻奮飛地垂齊海盡天入漢京微姓
字人堪避文章計轉非報君應不解筍蕨故園肥

懷汝思有寄

屈指東游日人間事事同客愁更許撥吾懶藉相攻夜
色青燈雨秋天白簡風不知從此後清論向誰工

青社驛遇同年蘇北部兄北上有贈

小驛燈垂燼無言思欲飛十年君執戟雙鬢客沾衣白
骨微求在黃金故舊非帝京如有問早晚北山薇

長山道中

荒禽暮俱歛游子尚無還道路真僑治衣冠可駐顏坐
銷長短日慚問往來山倘數人間地何方定是閒

夜坐長山署中

覓句驚從得呼杯幸勿空句堪今日老杯借片時雄項

頷紛成態腰支轉末工
脩脩故園竹偏在月明中

署中槐樹搖落有感

婆婆兩槐樹生意若無馮
明月不相媚朔風時見陵
枝寒過倦鳥影瘦入殘燈
為寄雲烟道春來倘鬱蒸

不寐

幙被據匡牀薰爐裊篆香
緒風低宿樹孤月淨兼霜
戍鼓交偏緩寒雞報轉長
不眠須起舞塵匣暗干將

雪夜獨坐

庭皋澹如水裊裊雪仍垂
踈竹俄相並棲鳥迥對疑
鑪香收煑茗漏刻過吟詩
宴坐將何道沈冥識者誰

李伯承逸尚寶丞却寄

偶展除書讀彈冠有姓名
誰其尚符璽君未厭承明
倬直依溫樹裁詩憶露莖
亦知東海上蚤晚碧雲生

寄順甫比部

展轉今三仕蹉跎尚一官
重來秋署色恐失歲星寒
計悟空言晚身容薄祿寬
祇應騎馬出庭雪映書殘

應在明遷職方

忽汝新參幕仍吾舊剖符事違同涕淚身在各艱虞霜
霰青陽晚風塵白日孤母將歲寒意宛轉媚春蕪

其二

國計輕猶昔天威重至今甲兵紛屬口冠蓋失謀心非
爾登津要何人挽陸沈故園耕釣穩吾豈厭投簪

除夜有感

欲盡難留日將歸未果身生涯元客歲物意向王春北

極龍文古明堂象魏新鳴珂又朝列誰與念波臣

峻伯將至先以詩來走筆邀之

忽報嵇康駕頻呼阮籍杯乾坤雙眼對海岱故人來雪
入朱絃盡春留綵筆開欲東雖馬首無乃一徘徊

春晴與峻伯游雲門既別雪乃大作賦此志之且

訂後約

為汝雙吟屐春天強放晴雪仍降野色冰復禁河聲但
許同心在那妨薄官名登臨事何限花鳥莫愁爭

二月

二月今垂半蕭條海國城緒寒停客夢初雨泄春聲野
草青從施霜毛白更爭幽居廢朋好杯酒獨崢嶸

自夾山趣顏神感古

千秋此夾谷駐馬意徘徊蒼嶺鋒爭向青天線劃開人
疑懸索度水憶建餅來回首兵車地虛生命世才

黃子將詩及擬騷見貽酬贈二首

盛年辭水鏡垂老即林皋今古雙垂涕乾坤一擬騷恩

非罷官薄骨為著書高滄海茫茫在何人問釣鰲

其二

天末空長劍人間自曲鉤
噉名殊代事吞恨大江流
妙手斲輪得雄心伏櫪收
君看揚馬後餘子盡悠悠

昌樂道中

馬足縈溪轉鶯歌引樾聽
波搖積氣白山琢斷雲青
細雨農顏破輕寒客思停
絕憐踈柳外出沒小鞦韆

紀戊午正月李公事有感

變態風雲伏精靈日月移蓋棺終不定前席竟無期畫
地身從入呼天聽每遲如逢九泉轍倘可問袁絲

其二

豈謂夔龍席翻然百態生何人善陰中為爾出陽驍
騎新門客尚書舊履聲君恩與朋好愁絕向誰明

其三

榮悴一身竟吹噓萬象過望恩人自失分淚客誰多跡
削施蒿碓魂歸惱薜蘿閩江自清絕不接沅湘波

其四

半面坊門識私庭跡有無亦知求駿骨或擬下鵷雛名
玷山公草心違孺子芻平生國士意落落滿江湖

青州雜感十首

罷吏白雲省來司青帝丘當時爽鳩氏還作東諸侯其
樂已千載吾蹤仍九州牛山毋雪涕要使姓名留

其二

薊苑歸鴻信春風忍盡聞昨茅諸部曲持節舊參軍地

脉秋毫補天顏咫尺分敢辭雙鬢雪持報聖明君

其三

不淺清尊興其如白羽何春聲生鐵馬燧色隱銅駝棄
擲兵才易艱危相業多微官難即解回首愧松蘿

其四

尚憶游燕侶新詩好共論壇成人大將鼎立幾中原放
逐吾曹事飄零聖主恩營丘跨海岱不擬賦招魂

其五

國難孤誰共天驕晚未擒九重垂北顧萬死障南侵急
下明光詔多分少府金汝曹須戮力今日主恩深

其六

戰鷁紛如昨頻添海戍長豈應齊擊技不敵楚餘皇未
挂妨春雨笳吹咽曉霜野夫冠側注愧爾綠沈槍

其七

次第人間事毋如且挂冠青雲李生失紫氣漢闕寒官
薄差相傍書成已倦看攬衣仍嘆惜愁見萬花殘

其八

未展瘡痍骨微書十道來乾坤漆室歎將相栢梁才忍
病醫從卻憂生酒浪催當時嵇阮輩跌宕有深哀

其九

五馬初停駕荒城鼓角淹少年聚牛酒亡命問魚鹽鷗
下微相信鷹饑或已厭重來暴公子遮莫霖威嚴

其十

坐哂緣何事人間百態更違心仍作語逐面暫生情名

豈吹噓重身寧伏謁輕輸他鸚鵡賦垂死亦縱橫

三月晦盡行高苑道中大風


三春行已盡萬象施仍偏敗屋蛛憑網荒村柳但眠白
如甌脫地青豈汶陽田為語流亡態將無愧俸錢

其二

日色虛駘蕩風沙太猖狂已令花似雪復要鬢如霜薄
宦春從失將歸老不妨青帘濁醪在遮莫喚誰嘗

行視高苑決口有感

豈無淇竹捷洶洶勢難回野色存鷗鷺春心辨草萊中
原瓠子口使者栢梁臺縱有呼天慟天門迴未開



弇州四部稿卷二十六

欽定四庫全書

集部

兗州四部稿卷二十七

詳校官侍讀學士_臣陸伯焜

中書_臣劉源溥覆勘

總校官原任中允臣王燕緒

校對官檢討臣盧應

謄錄監生臣趙立福

欽定四庫全書

弇州四部稿卷二十七

明 王世貞 撰

詩部

五言律一百二十首

泰安戲呈徐張二使君索會

不有清尊在何當慰折腰
倦來時自哂狂至欲誰驕
岱色家家飽嵐雲日日饒
豈無逃暑會乘興未須招

其二

高卧成吾懶，閒居任物情。
開門稀候吏，隱几至啼鶯。
仗酒為公事，裁詩問友生。
城南富修竹，何處可題名。

夏日陪段侍御游靈巖寺作

羣峯抱蘭若，孤塔界晴空。
未沐菩提雨，時聞薜蔔風。
使星聊一駐，佛日暫相同。
倘借支公馬，長陪鮑氏驄。

陪段侍御登靈巖絕頂

徑折全疑盡，峯迴陟自閒。
蒼然萬山色，忽擁岱宗來。
碧

澗傳僧梵青天落酒杯雄風別有賦不羨楚蘭臺

春日行園

使君聊一出物色自爭誇
小雨飽桑葉輕陰寒杏花
官厨棗兒酒鄉信穀前茶
不必蓴鱸在吾生固未涯

殿卿慰予哭子有答

千崖送落日愁思滿齊山
非爾一貽好何人為破顏
月疑庭玉在星作掌珠還
卷罷新詩去依然秋閉關

醉後

遷官非不好衰態暗相催
草色將袍去霜華擬鬢來
罷衙無長牘呼酒有餘杯
且了今朝事浮生次第裁

其二

誰道長安近山城信自稀
隔秋除日到罷覽故人非
久不關吾事頻須理客衣
明年官不解妻子也應歸

寄王丈道立登魁選

十載揚雄賦諸生伏氏書
下帷多講授搖筆自吹噓
價奪連城外鋒全百戰餘
還將短瞿問狗監爾何如

弟姪俱薦賦此寄之

磊落吾宗彥參差萬里翰東南自金錫王謝有琅玕癡
叔殊能健狂兄未許難將無杏園色人擬竹林看

答助甫吏部八首

選極王裴重交仍嵇阮偏懷人倡白雪矯首向高天水
鑑千秋在風流一代專新詩大自好虛借野夫權

其二

屈指青雲士誰知張長公孤吟破秋色萬木避天風吾

黨殊能作乾坤不可窮
毋論廣武歎豎子未英雄

其三

跌宕尚書省文章日更新
星辰仍長物天地獨私人
霧豹看從晦雲龍矯莫馴
南山有松栢把臂問沈淪

其四

牢落詩如故浮沉了不關
無人自流水余志在名山
忽辱隋珠引能容趙璧還
相期各努力名姓墮人間

其五

不獨宗吳輩人今未可量名多爾自失身在欲誰強斗
劍懸中嶽霜鷗擊大荒還聞有餘勇跋跋少年場

其六

赤日浴滄海青天橫岱宗漢家兩司馬吾世一攀龍病
起千年態徘徊絕代容齊稱君誤矣寥廓或雲從

其七

碣石諸侯館中原五子名高秋白馬辨下士蒼蠅聲風
雨歸何處萍蓬托此生使君仍驚起毋乃太縱橫

其八

莫作呼開府衣冠一野人
幾逢滄海雪三遠薊門春
失計貧彈缺從心老斲輪
齊風如稍稍拂袖大江濱

寄答張幼于下第

玉是連城價蘭為大國香
無言依正則有淚待陵陽
白雪元堪寡青雲祇自荒
總應名就日留滯亦文章

贈別中表丈史鴻臚還吳

上客含雞貴中朝結駟難
家貧郎自免身在酒相寬
草

色營丘雨潮聲揚子寒母論兩地隔只羨一枝安

其二

少住為佳耳親朋盡歲孤官厨饒脫粟鄉味有蒸壺魯
酒能嘗不齊謳可聽無自然留不得秋興滿蓴鱸

端午日長山署有懷

孤城逢此日還憶去年期只自饒三韭那能辨五絲欲
眠須引卷觸熱未呼卮醒醉元同意寥寥識者誰

其二

昨歲還今日追歡得似無兒偏愛蹋草女亦解傾蒲儵
忽浮生過淒涼萬事孤擲他長命縷不作繫雙珠

得舍弟試文喜其必第走筆寄之

文章家不乏今爾更縱橫海上鴻鴈色秋空鷗鷺鳴此
時漢京兆下榻吳諸生無限人間事區區一第名

寄顧聖少

乾坤亦有意縱汝向中原只益新詩好那扶游客尊拂
衣綠臂者垂涕過夷門數盡人間事能如知己恩

病卧東禪乞休未報殿卿相國馳騎相訪書此為
別

擬作輕離別如君來去何諸天忽示態初地欲生魔白
社風流少青林月色多留將煩惱意迴問病維摩

再別殿卿時余方有家難

河流如易水日夜蕩秋旻不作登車去能無戀故人霜
仍飛六月虹未入三秦一掬中原淚難從握手論

難後答和于鱗舊貽四首

燕臺一掬淚歸灑大江滔天地藏身小風塵厭世遲生
寧如李志死敢傍要離寒雨松楸夕那堪讀汝詩

其二

屈指人間世名成豈偶然中原方軌在畏路拂衣偏病
色高千古窮愁自一天可無沮溺耒難並汶陽田

其三

偶誦招魂語驚心往事多蹉跎吾計失憔悴此生過隱
跡羞叢桂詩章畏藜莪湘江暮烟色愁絕意如何

其四

何限乾坤事歸來汝自酬振衣滄海月搖筆岱雲秋一
字堪金石孤城各斗牛報書知健在不必淚潛流

答于鱗立春日齋居對雪見懷

春雪覆江干江城春未闌洩雲千雉合迎日萬花殘鴈
色懸秋曙雞聲破夢寒如聞郢中調祇為和人難

答于鱗慰哭子二首

謝庭三秀草此夕九秋霜埋玉甘憔悴探環竟杳茫寸

腸存屢折孤客鬪誰強為語西河淚情今未可忘

其二

擬作東門達那堪復泣然壯慚兒女態窮入故人憐歲
月危看影乾坤怯問年此身真瓠落飄泊向誰邊

雨泊崑成遣信要仲蔚

三載抱寒影茲辰聊出游春風澹踈雨渺渺獨行舟暝
色動城雉炊烟散林鳩呼童洗茶盃君解過儂否

余以幽憂久廢吟詠至八月十二日夜忽夢於停

雲館餞人北還得二句云中原垂鳥道久客自鶉
衣尋改賦古體八句覺後悉記之不知其何說也
留君日何短別君日何長中原鳥道路游子鶉衣裳悲
風夜騷屑白雲寒蒼茫盡此一杯酒踟躕空斷腸

過莫公遠草堂有作

流水欲盡處見君白雲堂誰云四立壁解有雙脩篁開
卷動秋色談詩過夕陽出門一長嘯迥爾高天蒼

題沈道士竹洲館

道人滄洲館擁徑千琅玕竟日碧雲合有時明月殘玄
心澹相映秀色淨堪餐忽憶青蓮句秋聲萬古寒

徐子與解郡過吳門同淳父輩出視分韻得彈字
白髮歸人問青山傲吏看簪從今日盍冠復幾時彈海
內詩仍在吾徒酒自寬浮家苕雪裏來往莫辭難

過邵元化飲不醉戲作

田父過能數書生具頗艱大都鮭菜美遮莫酒杯慳鼓
腹松風外科頭樹影間近知醒亦好歸步不蹣跚

幼于見過分韻

小徑苔從破清尊雨乍過亦知高枕是其奈故人何懶
但安吾有狂今較孰多近耽貧賤理慎莫厭松蘿

其二

踟躕酒不醉起見明星闌片語數相苦千秋敢獨安青
山蠟屐在白雪高齋寒傲豈吾曹意時名君自看

寄泉守周先生

為得閩中耗愀然幾廢耕有家俱中虜無地不尋兵此

際干城在應專保障名寄言麟閣上早晚著書生

夏日飲煦上人房

野人無一事愛爾雲牀眠緩帶松風集開樽江月懸僧
仍解中聖客亦喜逃禪欲問西來意難從醒者傳

其二

藜杖欲何適清溪扶興長煦公茅屋底時有松醪香青
菜久成甲紅蓮初離房謂予餐禪悅此味詎能忘

題林布政墓誌後為其孫司訓請

殘編未忍讀為憶秦陵時績是中興紀文如有道碑已
看埋玉樹還復長蘭枝大有棠陰在王孫知不知

長興諸友生送別道上即事

今朝雪川路且作武陵看蘿色分樵斧萍陰入釣竿水
憐衣帶近山憶畫圖寬劇有浮家興離觴莫厭殘

義士李國卿歸骨長山哭以送之

生死銜恩在間闕病骨遙刀頭空自卜

生告歸矣
病弗果行

七首

為誰驕風色田橫館寒雲豫讓橋豈無心一寸魂斷竟

難招

劉僉憲罷官

偶一聞朝事君今又乞身世情工射影吾道合垂綸歲
月終何事江湖漸有人素衣知尚在不染洛陽塵

戲贈導引者吳生

池湧青蓮坐天垂白玉棺暫留為說法欲去亦無難爾
今習熊鳥便欲喚鸛鷺三尺齊門缺將從紫府彈

包子以叅軍集見遺有答

忽展參軍集殊兼鮑照長篇章自吳越今古共齊梁才
豈人間盡名容我輩狂歸來亦有作不擬喚柴桑

除夕

江村寒轉寂桑柘欲生烟竟日懸孤榻有時手一編踈
燈逗餘夜小雨作殘年唯有牢愁念時時不類禪

其二

誰憐抱影意吾卧已經旬晷冉難留日支離向晚身任
他新甲子不解守庚申

新歲為甲子

惟有尊中物能令隔歲

春

穀日雪作

霰雪飄何甚因風裊更斜
臘遲偏為穀春潤未疑花
曙色開銀甃寒光入絳紗
牀頭社酒熟扶醉到隣家

晦日園行初見紅梅一樹作

孟春行已盡入眼但紅梅
破雪寒相假含風曉暗催
蕭條初辨色爛漫不禁才
且莫論遲暮陶然酒一杯

袁魯望見過分韻四首

懶草玄經罷開門春草平交游隨宦失物態與年生懸
榻寧雙下呼樽始一驚對君今日飲差不悔虛名

得驚字

其二

盤飧無別味好為野人留菜甲春畦熟河魷曉市收白
分燕玉暖青擘越絲柔却笑張公子尊鱸奪宦游

得游字

其三

小有求羊徑能無為爾開凍偏初徙竹春勒未舒梅少
住因青眼何營但醪醅不須論興盡歸舫或堪陪

得梅字

其四

渺渺孤帆去江頭此送君風光催岸柳潮影洩春雲縱
飲時相壓狂歌好自聞亦知分手易將老畏離羣

得雲字

席上探贈得魯望

春風木蘭楫遇爾闔閭城西出橫塘曉寒花千樹明經
營多酒事飛動各詩名獨有分攜處依然黃鳥聲

過徐徵君作

城處無遠矚念君亭館幽窺簾竹色動隱几松陰流道

書久不讀清言時一酬還能開徑否吾敢擬羊求

子與病後見貽新詩六章次答

高枕抗烟蘿春光奈病何誰堪瓜季子我解問維摩丈
室諸天在千秋一瞬過加飧更有語晚計莫蹉跎

其二

善病胡為爾清齋藥餌催潮憐枚叔對露惜馬卿才湖
海身偏靳文章老自猜還將嘔心句次第為君裁

其三

遙憐伏枕嚔嚔向何人
春色從教負朋情
轉自真鶯花若下
酒烟雨雪溪綸不獨能
憎達窮來妬汝身

其四

病色堅高卧生涯淺卜居
莫疑杯外影須却枕中書

子與

病以服食得陶墅偏宜秣潘園好藝
蔬殘年幸猶在隨我狎

樵漁

其五

亦有清狂疾饒君善酒尊
物情雙藥裹吾道一衡門
伏

樞人俱老衝星劍尚存此生終海嶽不死任乾坤

其六

蕭條一書札新自雲中來憊與貧爭長愁將老暗催詩
魔應稍退酒債未全開了却無生後春風幾百迴

法空上人虎丘翻經

大有摩尼在將從智者探天花凡幾點貝葉到何函千
日懸龍藏孤燈隱佛龕欲知翻後境曉色空寒潭

法上人還石湖

一鉢本無住孤雲時自依蒼然石湖色似愛遠公歸忍
草吐新帶香蓮辭故衣唯應乞食後秋雨對柴扉

寄答明卿二首

閩海迢迢路柴門放逐身雙魚不自意五馬更何人舊
態俄能發窮交轉向真相逢未可定佳句眼堪新

其二

側目中原並游蹤晚路偏一麾仍領郡萬死及歸田宦
在何妨薄詩成祇共憐高鵬與低鷄天地亦茫然

寄黃生舒華

及爾書來日行藏更可憐
一官詩自罷萬態酒堪捐
老
豈時人力窮餘異代權
何當具瓢笠握手太湖烟

舟次辱華存叔見示投贈之作有荅

不為風塵色吾廬卧自深
時名雙屈指物態一驚心
姓
字勞波及文章久陸沈
相看布衣在飛動不能禁

其二

莫問援琴意惟憐執手時
新詩過草速踈燭受花遲
歲

月吾初有乾坤爾自知春波正遼濶未敢定前期

答沈山人嘉則二首

滿眼交游態相過意獨深醉來扶任俠老去急知音零
落家人產縱橫國士心未須論往事嗚咽對沾襟

其二

兄弟逢家難倉皇並挂冠莫言歸計早猶作畏途看蘿
薜褰愁入松杉掩淚殘唯應獄中劔虹色為君寒

為張茂才贈張將軍時治艘南京

客言保障地無復使君賢禮樂原蒐貴樓船漢將專令
嚴朱桁月烽淨白門烟更有平原館銜恩國士偏

尤子求嘗自言其手畫蘓長公後赤壁賦甚精索
余書賦其尾未果今年冬子求忽使阿獠攜此卷
來乞二金為臘夕之資余如數與之還其卷為書
賦且題一五言律子求可付虎兒善藏之勿售非
其人也

只倚曹韓貴窮來泥所如真成乞米帖吾豈換鷲書筆

底青山在燈前白髮踈吳門有長缺慎莫歎無魚

觀夜獵醉作

老分窮愁在歸堪一事狂由來學劍晚肯為著書忙花
徑朝浮白霜天夜走黃衰顏且塗抹闌入少年場

與舍弟郊行訪舊作

風日江鄉好連翩並所如門人兩籃輦貧舊一茅廬時
見青烟遠因知黃葉踈悠然淺酌罷隨意狎樵漁

寄陸考功與繩

自起東山駕蒼生果不虛舜門懸水鏡堯日滿公車契
合孤忠後窮分一氣餘久安遺世界不草絕交書

贈陸生

自貪林下日生計未全踈時展滑稽傳間窺玄素書因
君獲二妙顧我罷三餘儘可扶衰病青山恣所如

過故凌京兆汝成墓有感

初日松楸地相過倍黯然古今杯酒得生死諫書傳舊

客西州淚

羊曇事

新題京兆阡

曹事

向來同病者老誦獨醒

篇

馬鞍山陸氏園送別子與得新字

送君冰雪地梅意獨含春
晚更憐山色窮能戀故人
筭來社酒煖獵罷野厨新
昵昵深杯後俱誇未死身

其二

出雲關何事因君偶試論
一官今轉拙十口未全貧
白雪銜知舊青山惜別新
自安丘與壑終不傍風塵

除夕偶憶杜詩四十明朝是語有感作

四十明朝是愁來酒易醺
流年杯後得緒景句中分寒
勒孤村雪春生大海雲
浮名殊自苦吾意欲無聞

其二

四十明朝是抽簪歲屢更
自貪田父日誰妬野人名
臘向來鄉社春醪有弟兄
不教兒輩酌知會減歡情

皇甫司勳宅逢故九江守王丈
王於先君同年其來也為其尊
大夫乞皇甫志墓因贈五言三
章

把袂吳閭里含香漢署游
風塵二千石湖海一孤舟
門

刺通文舉碑辭識太丘歲星無物色隨地足沈浮

其二

客間疑鬢髮天上見文章以爾丈人行當時童子郎霜
風鳴薊缺春雨澁荷裳莫作窮途慟烟霞許並狂

其三

試問西京日終童更有無青雲流輩盡白雪和人孤布
帽時堪擲籃輿少給扶威明殊偃蹇倒屣為王符

答殷無美問疾

欲悉春來況頭顱漸不如
泔魚吾事晚羅雀故人踈
懶廢雖堪病窮愁可罷書

殷詩有肺病春來劇新書且絕編

唯餘止酒意

為爾尚躊躇

余忝青社日陸叟挾岐黃之術游余門既罷歸訪
余江上素髮被領童顏不衰云且北游余謂叟術
固神能治余狂疾乎因為一詩贈之叟笑不答

十年仍一老不改酡顏春身作齊魯客名同秦越人
採苓山月晚種杏江風新獨有清狂疾饒君術自神

端午里中飲時甫有海上之捷

莫以獨醒意生踈舊酒徒煖香初寫玉寒碧旋添蒲柳
插從巾墮花催到手無海波知稍戢為有辟兵符

曉行即事

小饗涼能進荒雞遠互求無妨戴星去仍作御風游卯
色天徐坼眉纖月迥愁泠泠桔槔水隨意到前疇

贈徐使君之徐州憲作

彭城徐子地柱後漢臣冠地挾黃河峻冠凌白雪寒風

流千騎擁祖道萬人看自有攀轅淚時平借寇難

奉送彭崑山特徵

忽報天書下秋星引去輪吾方傳循吏君可願良臣水
憶朱絃在霜催白簡新草萊無限色仗爾達楓宸

題東洋卷

為厭人間小滄波倘可尋扶桑催日動碣石抱雲沉未
晚圖南翼長懸立極心乘桴吾道在對爾欲沾襟

徐徵君示灌園諸作率爾奉答

一叟漢陰興新詩大厯才才寧隨老盡詩可傍窮來厯
落秋聲樹青熒曉色苔衡門知久寂肯為抱琴開

飲鄉人桂樹下作

桂樹扶秋老藜筇引興長短墻過秀色小徑裊幽香客
自歌招隱人殊勝辟疆前身是金粟米汁但何妨

贈廣東袁生

山川知粵盡風物到吳新舊業餘孤隱時名傍此身酒
旗隨處是詩卷未全貧為語袁宏道誰堪賦裏人

贈楊茂才楊之父別駕君則先子嘗受業焉楊又
館於族孫進忠其行也乞詩為別

談經而父業門館盡時髦未竟銜鱸瑞依然見鳳毛青
箱王氏得絳帳馬融高欲悉通家意臨岐有佩刀

寄贈劉子

劉以鴻臚
序班歸隱

漢殿辭新月吳山理舊雲官初拜典客人自號徵君松
塢苓從長芝田鶴自羣憐余亦世棄消息倘相聞

謝邵都閩惠荔枝

朝來逢驛騎，香色滿雙函。
野老慙推食，將軍為絕艱。
看澄露寫枝，憶紫雲酣。
寂寞華清在，何人走劍南。

送張敕之白下分得長干里

君是張星裔，偏歌玉樹花。
儂家楊柳色，應接白門鴉。
別淚銷金粉，新篇掞彩霞。
長干六代地，今昔擅豪華。

又賦得石頭城

君今何處去，飛棹石頭城。
一壑分天濶，千山拱堞平。
宅猶龍虎氣，臺憶鳳凰名。
好是張平子，還能賦兩京。

虛白上人出關後走筆問之

朝來啟蘭若，啁哳鳥聲驕。
見爾定中出，知無覺路遙。
白雲初捲袖，寒月尚依瓢。
莫作深山住，禪心處處調。

哭周憲副叔夜二首

忽得雲間信，沈淪世所嗟。
百年循吏傳，十口孝廉家。
落日窺詩草，嚴霜負鬢華。
不知門弟子，若個是侯芭。

其二

十載三為別，那堪此別遙。
劍星飛後象，梁月夢回標。
名

尚山濤啟

叔夜卒後遷官

魂先宋玉招未應絃便絕流水覺蕭

條

董生善丹青欲為邵武吳使君作小像走筆嘲邵

武

不必聞天去吳郎已大都撫膺雙睥睨抵掌一侏儒腰帶金嫌潤頭毛藥漸扶唯餘酒間態念汝貌能無

呈華明伯

華時有家訟

得失區區事相看彈指中無論塞翁馬況是楚人弓萬

態浮雲變寸心明月空延陵何限色西去有遺宮

王水部祠古栢

宋祠王水部庭栢歲能深老狎冰霜色寒窺天地心
夜根迴虎攫秋北發龍吟莫作明堂思餘生恐見侵

邵將軍亡鶴

秋來雙病羽無夢再乘軒已驗浮丘相難招丁令魂
白雲遺響斷脩竹敗翎存一片華陽石千年意可論

慰邵將軍孤鶴

緱山一羽化故侶杳難尋獨立清秋色孤鳴碧漢心死
生交誼盡飲啄主恩深莫作低回態人誰支道林

答張助甫三首

吾家兄弟好猶戀舊緜袍迢遞鱖魚尾參差彩鳳毛世
寧寬此道天未厭吾曹若作求羊訪吳山雲霧高

其二

褰帷何處是雲雨暗衡巫嶽色雲堪借江聲雨自扶一
官知長物千古失窮途倘及漁樵侶飛揚意不無

其三

物態工流落時才負隱淪星能為霎士雪許和遷人自
愛藏名手遙憐折節身古來文苑客強半在風塵

寒食志感示兒輩

六度逢寒食肝腸寸寸灰豈無懸日月難擬到泉臺歲
每慚新鬼春從冷舊醅兒曹須老大莫忘介山哀

小疾偶成

事違難喜事身退轉憐身酒盞從他負醫方稍自親偶

穿苔際屐時倚竹邊綸書縱同袁豹那能便古人

題雲隱庵募緣卷

劫雨頽朱刹慈雲演法輪但餘飛錫地未少布金人一
念城能化多生里不貧毋將小果對阿育是何因

病中答張大

逃暑真宜懶經旬但掩扉自憐狂與瘦不解勝能肥身
在猶堪病名衰好受譏新詩似秋色吹我思翻飛

弇州四部稿卷二十七

欽定四庫全書

弇州四部稿卷二十八

明 王世貞 撰

詩部

五言律一百二十首

卧病同舍弟於小祇園棲止承淳父以法語見訊

率爾有答

自緣衰相現敢學淨名身室總無天女經唯對世親空

花來霞失池草幻餘新解作門中語君非第二人

吳山人見訪值僕病甚謝客投詩為別勉爾奉酬
懶入應門倦驕從伏枕生天殊縱吾病客豈借時名河
嶽愁中起風塵意未平所餘青眼在惆悵為誰明

雪中病卧聞舍弟輩游小祇園有作

不作素安卧其如病所憐虛牕催曙急獨枕受寒偏見
說瑤臺侶同游色界天何時振衰骨騎鶴破蒼烟

除夕病中作

不解成何節驚從稚子傳凍烟催作夜殘雨濕經年老
畏流光擲寒添病態偏飛騰向來意空付一潸然

王復過齋中小酌

高齋寒色甚強爾一杯春酒態深時美交情病後真菜
青初破甲魴紫旋批鱗此具還能擬相過可厭頻

人日病起作

共道春光好猶殘擁被身眾歡同得日吾病始稱人栢
憶金花煖梅憐玉樹新空齋百無味差勝走風塵

京口逢郭山人因東馮汝思

牢落故人盡迢遙鄉路分
偶逢東郭子云有大馮君
草色南徐雨鐘聲北固雲
還應未相見翻勝復離羣

徐州渡口大風

七聖皆迷轍何方可問津
生元仗天地去敢避風塵紅
勒桃花笑青禁楊柳顰
蒼茫得前館濁酒自相親

遇史蘭谿姑丈

蕭然歸騎單相顧各汎瀾
旅食闕愁近風塵認面難
老

能逢盛世貧且傍微官舊業桃花塢春深正耐看

恩縣道中雨

東風數杯酒細雨三家村行旅片時濕農家素業存梨
花時一暝水鶴忽羣喧大有江南色翻然嗟故園

兗州道中懷古

身世竟何限勞勞嗟此行雲為天地色山閱古今名慷
慨齊三士棲遲魯兩生不歸吾豈敢即死向誰明

德州渡口

征途人自怯不敢授春衣
山雨將寒驟人烟過午稀
時瘦馬立往往峭帆飛行役
毋勞恨于今是帝畿

阜城道中

春色晝冥冥勞歌倦自聽
地過三輔紫天近九關青
旅夢從車續村沽離盞醒
如何挂冠後更遣役吾形

喜于鱗被召作

物色乾坤滿羊裘尚寂寥
忽聞求劍詔實已應弓招
騷雅名終在巢由卧轉驕
彈冠宜吾事或可擅漁樵

貽張明府 錫剛

一官知久厭何事復泥途自長朱門傲誰憐白雪孤百
錢行囊有雙屐倦來扶況是春山裏村村聞鷓鴣

病中書懷上御史院王大夫兼簡郭考功

刺促都門地棲遲草莽臣浮名當日洗畏路暫時新涕
淚仍沾世風塵敢為身艱難心一片寸斷為君陳

其二

自投孤臣淚知非九辨才天疑將日遠霜肯背春來肱

在先應折腸餘此際迴莫教垂死骨仍作不然灰

其三

淪落豐城劔叅差古獄中嚮來雙犯斗端為一司空生

死恩猶在乾坤事未窮華陰半掬土秋色滿崆峒

右上海南岷

其四

寂寞千秋事艱危一寸腸不因窮李白那見古汾陽霜

色迴天老春風徧夜郎銜珠未敢報躑躅五湖傍

右簡郭

題項子曲池草堂用原韻

聞君卜築靈巧得越江偏宛轉天疑隔樓遲境自玄草
紫雙屐遠花借一尊先況是談經日門人有服虔

用子
慎事

其二

小鑿通魚緩幽栖得燕新地方韋氏曲池是習家隣夢
好從難弟詩成託有神時才屈指見慎莫怨沈淪

其三

字許桓譚問名因求仲聞數楹浣花借一水武夷分竹
裊干雲色蘭滋過雨芬風塵知暫染不愧北山文

項子出新編索序余病未能諷詠來美聊成短述
浮名人自惜孤調晚堪疑欲定三都價難評幼婦辭飛
揚投筆意寂寞斷絃悲歸遇烟波侶猶能說項斯

無憑

一歸恒在念萬事總無憑病入中年易愁因薄暮增世
情工頓挫吾意豈飛騰漸覺交游少時能覓酒僧

莫叅政子良張山人携飲天寧寺作

東風依步屨愛此禪房幽一雨忽秋色諸天來暝愁烏

隨托鉢下僧逐鳴鐘收尚有三車喻能同信宿留

其二

久客錢依杖竒探句入囊未禁陶令酒聊借遠公房辱
為藏鈎忍機堪坐隱忘禪心醉頗見倘恕野夫狂

閒居

但擬閒居好幽懷可具陳窮交人自貴衰眼事方新倚
酒稱歡伯看經誦道民逃儒豈吾意聊以破沈淪

醉贈江上人無示盛生二首

遠公不戒酒殊足了吾生訪即披衣出呼便托鉢行別
時輕抖擻醉後好縱橫懶說親朋字窮途障匪輕

其二

蓮卷破寥寂花宮驅鬱蒸故人襜襜子吾黨羯磨僧淨
土閒從借禪心醉可憑莫題顏遠句人意堪憎

魯太學携酒見訪作

花宮寂無事屐齒破高眠雙眼乍青白一尊中聖賢楚
材知自足郢調為誰偏更有沈冥趣毋輕與世傳

顧舍人夏日過訪弘法寺

屈指諸供奉誰如顧虎頭
還從視草暇時作散花游
雲入松房冷風生茗椀秋
頗饒禪悅味能為遠公留

其二

河朔尊堪藉山陰興未殘
真成布衣飲來聽蒯緱
彈舊好論將盡新知得暫寬
江湖何限色大陸有風瀾

答康子

歷落康生在新詩重起予
自然燕地桂不草茂陵書
白

雪酬知少青雲轉盼踈吳天莽空濶握手意何如

夏日寺居即事四首

解夏僧同懶愁霖客漸踈雲霄吾意左天地此生餘饑
即分齋飯間能讀道書笑他揚得意今日薦相如

其二

剝啄醒高卧中庭栢影移少年頻載酒長日擬論詩薄
俗踈堪繼虛名得自知青山一杯罷相對坐支頤

其三

十年甘削跡不省舊何官人惜遺簪在天容袒褐寬往
來寧有托榮悴易為端從此飄然去真無愧籜冠

其四

往往推牕坐西山雲色來未歸誠偶爾少住亦悠哉累
句初諳俗清尊不負才當時仲宣賦豈為異鄉哀

雨後見月華作

明河十萬斛為我洗澄暉忽覩千虹遶如從七寶圍丹
成玉兔杵花發素娥衣不待過笙鶴緱山思已飛

洪生自楚來見貽五言聊此奉答

暫愛精蘭寂高春夢未迴忽驚白雪倡知自郢中來秦
馬寧雙角江鱸正四腮一歸天地大從我亦悠哉

太保劉文安公輓詩十詠

海宇推黃髮朝廷念碩膚青宮新太保赤舄舊東都

公嘗

泰機務
留京

品極三司貴名尊兩字扶今來稽古力誰不羨

為儒 右贈謚

其二

天與滕公室今看更鬱然澤應沾草木光自吐雲烟已
給東園器仍分少府錢南陽有原氏不得擅新阡

右賜
墓

其三

帝念桓榮逝沾衣命禮曹恩從上冢極名以授書高令

子餘三鼎孤卿自七宰君看潞水畔流澤尚滔滔

右諭
祭

其四

生存公望鬱老去國恩加密作尚書印黃頌保相麻帝

綸昭似日雲錦爛生花視草當年地題名醉墨斜

右賜
誥

其五

甲第饒清宛荒墳自北却幾人喬太尉能托蔡中郎雲
擁螭頭石星迴蠹尾章卧觀三日者祇有一歐陽

右墓碑

其六

誰道衡門後文章滿漢廷禪辭中使問汾曲帝王聽一
代尊遺墨千秋讓汗青絕憐揚子易只擬覆人瓶

右遺集

其七

八座今何限千秋幾盛名存為世大老沒可鄉先生蘭

玉紛堪植

公子孫讀
書祠中

蘋茗薦匪輕春寒介山廟遼寂暮

雲橫

右特祠

其八

下第黃俱惜傳經向頗違天留後昆在人許大名歸宮

錦披應獨

公居
首甲

簪花插不稀還看鴈塔上姓字總相輝

右世科

其九

頗憶觀風使能留過式名不愚承露重棹楔與雲平尊

已時三達榮為國五更唯輸布衣賤聊表鄭康成

右達
尊坊

其十

跡自山林遠聲餘郡邑崇即看清禁客來傍素王宮楹

夢衰能作衿趨禮亦同河汾有經術端合配文中

右郡
從

祀

酒間贈楚人劉生

黃州子鷺炙煜若珊瑚明日佐宜城酒何如蓴菜羹若
為吾楚舞我欲歌劉生但與醉燕市能成千載名

與方侍御步天寧寺分韻得松字

為惜招提近扶醒信短筇迴風爭萬鐸落日逗孤松
禪語時時得秋山雲雲供祇憐方侍御猶有皂囊封

送王和仲還吳

黃金空插漢詞客豈雄飛缺憶何門是緜憐舊侶非
秋山雙骨立滄海一身歸若過烟霞地為余掃釣磯

新城道中

馬首今何適蕭然愛此身夏霖遷古道秋色佐歸人
稍

覺黃沾柳時看白點蘋任它風雨態不解令傷神

滕縣作

齊楚今何在滕猶舊日名浮雲雙戰地落日一空城野
曠猶堪井山貧自不爭遺編二策在終是魯書生

送虛白上人主竹塘寺

去住元無繫師今定若何坐推獅子吼塔許鴈王過白
社經翻早青山錫占多已知香積供難少病維摩

寄明卿使君再覲

迷職諸侯禮梯航可厭頻崢嶸仍岳牧偃蹇似波臣夢
入鈞天舊恩沾湛露新如逢明主問莫擬漢家薪

其二

汝厭承明後于今兩報功請歌諸國樂誰似七閩風霜
益魚符老天開象魏雄明堂當計吏第一是吳公

送曹子會試

罷醉楓橋酒乾坤別自輕如雲偕計吏捧日向承明不
必論三獻無何遂一鳴平津晚來貴曾是魯諸生

其二

紫極春將動黃河水自開
請看題柱者誰是斷輪才
劍暖初辭匣金寒舊築臺
甘泉倘有賦聖主受釐迴

贈方子還里

不謂文園侶柴門起病身
將軍無揖客故國有歸人
調憶朱絃舊愁催白髮新
奚囊數行在知汝未全貧

海浮子自滇歸迂駕過訪
值余他出悵然因賦此

寄懷

十載詩相憶乾坤鬢共蒼
宣期中散駕來自寵王鄉鳳
不題蓬華星虛聚草堂何時蒜
山翠花雨對傳觴

送龔大理出教授嚴州二首

小史輕兒掾諸生愛鄭虔
擲他廷尉牘還我廣文氈
月冷銅官閣雲分石佛泉
好將孤劍氣高並客星懸

其二

千峰建德合一水桐廬流
白簡翻相為青袍可自由
門因問字啟客愛解頤留
倘逐羊裘釣知君有直鉤

倦酒

春山何限青春酒日冥冥舊社能相命清時漸愛醒高
齋親藥裏鎮日檢茶經縱有劉生頌睢盱不要聽

徐廣文先生過飲

即看春事速忍使賞心違白首時情見青衫舊德稀催
來花競手藉罷草沾衣最愛斜陽外扶藜緩自歸

送僧歸攝山

諸方叅欲盡始悟買歸航祇是心堪了原無法可將雨

侵江令石雲據遠公房惟有春來後居然花草香

久旱得雨

枯已吾苗甚愁深歲事論疾雷翻地軸飛漢寫天門鼓
揖幽從詣為農道轉尊寄聲諸父老一飯亦天恩

顧季狂見過狂談竟月於其行也詩以贈之

雙眼中原合初從故國開雌黃月旦口雄白古今才碣
石將天去巴江引雪來嗒然吾隱几爾辨亦悠哉

其二

久矣墻東避俄驚羊仲從一貧詩作崇百戰舌為鋒汝
自談非馬吾寧好似龍祇應拋麈尾杯酒日從容

乞歸不允

罷歸安計拙衰至怯恩深自飲終天淚誰伸去國心一
官堪屢擲千載欲平沈見說箕山畔雲霞未易尋

其二

風塵何意味物色到山家麈尾聊須擲羊皮敢向誇出
真成小草得亦是空花陵谷須臾事吾生未可涯

題贈徐常甫卷後

常甫有通人之德王百穀為傳傳之且要余詩贈焉

知君是通隱賞藻亦吾曹節自披表著名因結襪高一
經元汝在三管欲誰操舊有南州榻春風共濁醪

江上別楊都督瞻美子念道振諸君

此別不成遠如何揮涕頻酒分南北路身是去留人蘭
省羈難弟柴門立老親十年高枕在那忍付風塵

秋日趙司農劉水部邀游雲龍山放鶴亭同子與

賦

地屬黃樓守樽開畫省郎大風來芒碭飛塋捲河梁鶴
不歸殘照人今醉異鄉馮欄一翹首天地漸蒼茫

其二

幘為登高岸亭因眺遠孤河流天不盡山色雨頻扶干
古雙雄畧中原一病夫

予時有
微恙

阮生廣武歎感慨亦吾

徒

八月十五夜濟寧池亭別子與

月自中秋滿人從此會離由來最圓夜翻是欲虧時玉

魄斜穿樹金波細溢卮清光轉應好脉脉待看誰

中山道中

一笑復一嘖此來寧係身少為強項吏老作折腰人與
醉中山酒聊偷故國春浮雲天北在瞻眺欲傷神

余舊游魏郡日有雙魚之饌今絕不可得問之則
河徙故也戲成一章

十載叨游魏雙魚饌事寬鷹刀催霰舞象筋歷霜寒滄
海欲陵陸黃河能釣竿思歸別有念不借蒯緤彈

阜平道中

馬足時陵競顛崖古道橫山從一澗坼水奪兩崖鳴徑
路疑欲盡人烟俄自生夜深見燈火三戶是孤城

與故關張將軍談舊事有感

太息時才老殷憂戰地深毋談舊開府吾聽忽沾襟賣
劍中年事傷弓此日心唯應解嚴後歸釣五湖陰

黃寺署中偶成

馬縱知嚴解鴉歸覺訟虛放衙居士服隱几道人書市

遠沽無酒池清釣避魚一官何足忌千載不闕渠

為戚都督乞教士

寇盜憂三輔安危詠大風飛書玄菟塞學劍白猿公稍
奪荏苒瞻寧希細柳功干城念汝在吾事五湖東

余携大名魏生至順德復得二趙生論文日久酒
間有贈

二趙俱趙產魏生復魏人已欣照乘色重以連城珍再
別恒泣楚完歸翻過秦沾沾余自得不作暗投論

同年故劉侍御德純枉駕行營對酌有感往事因
贈劉戍窮邊始歸

十年瀕死境兩地倦游身今日中山酒真成隔世人
戍樓談後月野店醉餘春最是堪留處更籌何太頻

秩滿三載移牘有歎

躑躅今三輔娑娑舊一官原無出谷想不驗觸藩難下
考吾能注頭銜自懶看未須啼謝豹物意總闌殘

其二

厭說青齊舊依稀十二年薄游鷄肋味多難馬蹄篇故
吏俱先達斯文別有權衰憇殊未悉豈少太湖田

除夕張山人分韻是日有浙藩之報

除歲逢除目寒歸客未歸年華落日盡節序少年非得
汝當藍尾慚予戀紮衣那堪酩酊後鄉思獨翻飛

其二

濁酒那堪頌椒花爾興新自憐遲暮意初作量移人雲
迫中原晚霜含故國春一年唯此夜蓮漏莫教頻

張參議肖甫由廣西入賀得書有寄

已分鴻書斷誰憑驛使來星從南極至天向北辰開王
會千官禮嵩呼萬壽杯君家金鑑錄況是曲江才

禮部諸曹丈揚尊萬松庵

把袂堪吾黨鳴珂起倦身相逢散花地俱是握蘭人薄
酒交從厚清言具不貧春卿芳署裏自昔和陽春

答楊中丞伯謙時以巡撫山西移病歸

雙魚銜尺素知爾賁丘園一雨卷龍德千烽驕鴈門賜

環明主事推轂異時恩為問雲臺上丹青誰更尊

寄張尚寶叔養尚寶前御史以言事罷起按二輔

嘗首薦予

霄漢重游地風波百折身一官新尚璽三輔舊埋輪
霜色凌清禁天顏許近臣獨慚虛剪拂矯首屬車塵

過于肅愍公墓歲復為己巳公立大功之日距今

兩甲子矣

正統逢今歲邊塵日暫蒙乾坤三己巳社稷一于公不

作青衣辱依然黃屋崇初連賜塚地石馬汗秋風

入南屏山路

一入南屏路悠然與世踈
游人柳枝曲禪客藕花居
暖氣催鳴蛤泉聲跳伏魚
雙壺挂籃筍佳霞莫教虛

始訪前奉化令徐徵君

避世雖君事高名可遂忘
未過徐穉宅虛表鄭公鄉
蘿逕春從覆蓬門日轉長
還應卻鹵薄小艇共滄浪

其二

彭澤不愛酒江州無奉錢
遠山將入供殘日佐談玄
坐徙空庭晷涼生高樹蟬
指君東壁挂借我北牕眠

其三

小築城南地誅茅苦未齊
還聞綠蘿館幽托白雲棲
別岫寬猿宿空林恣鳥啼
無心隱大小隨意跡東西

君有精舍

在山中近始城居

月夜與惟敬浮玉島飲

惟敬嶺南人

山色深於染湖光澹却無
地真排玉案人似入冰壺
莫

倚珠崖廣還憐碣石孤布帆看不盡幽興自吾徒

寄皇甫子循僉事

籍甚時名在脩然晚境長五言唐大厯羣從魯靈光白
兮多新曲青袍少舊行近聞寬勝事簫鼓出橫塘

季俸不至而故人日有來者戲成一章

官閒去鄉近罷案且婆婆家釀飲垂竭舊書看易過庭
烏公事少簷鵲故人多儘自堪藏拙其如負進何

寄贈楊二先輩

韋門經是業荀氏德為星勲烈開鱣座詩書自鯉庭蟬
聯三綬紫鴈序一衫青好就河東賦吹噓入帝廷

孫鴻臚於羣從中官薄而詩佳授予滿卷因成以

贈

亦知羣從貴眉白轉憐渠掾豈一言得名應第五如鏡
湖寬賜沐禹穴縱紬書誰辯郊居字新篇定啟予

病驥

病驥從他贖依然去服箱已知無伯樂何必要田方舞

樞貪飛將呼芻憶大荒人間原未識天上宿為房

寄少卿劉翁世龍

萬死孤忠在千秋一疏遙主恩留大耋天意見清朝
泌水猶堪樂繇田肯受招中興有奇事金紫聽漁樵

吳興雜興十首

倦骨風流減清時月旦新湖山堪卒歲案牘動移旬拙
宦甘除目虛名苦趣身此方色猶菜忍說郡厨貧

其二

鹵莽天心過蕭條國士知一官堪自免再出竟何為
糲飯供殘牘篝燈助小詩不煩期馬革端合號鴟夷

其三

接天唯白水不枉喚湖城桑月宴游少茶山租稅輕
秋水淪萼菜晴雪鱸鮒羹出入青油舫真成畫裏行

其四

為嫌十口累伴影獨寒燈出暫呼官長歸仍似野僧得
來那一實受處亦無憑莫擬謳謠贈身今少愛憎

其五

吳興古名郡官路亦清幽
苔冷尚書社蘋稀刺史洲
地偏朝事絕俗美寓公留
獨愧烏程酒虛名似督郵

其六

湖山閒即出風雨却歸來
薄宦終詩草藏名是酒杯
折腰斯世責攬鬢異時才
物意吾能解毋煩白簡催

其七

舊事停車得遺風掌故傳
魚租釣臺渚火耨畧山田
烏

鬼秋常放蠶娘夜不眠唯慚訟庭內不得施蒲鞭

其八

寄語諸鄉曲清貧好自誇山田供老母月俸上官家蕩
口攜來酒天池寄得茶止羸茗峴勝飽看不為奢

其九

掩卷將何道淒其歸思濃名微真馬走官拙自龍鍾歲
月辭何峻乾坤老漸容浮雲衆鳥去落落一高松

其十

上書知不報解綬且謀歸嘯咷堪巾幘婆婆憶布衣酒
如清渭水萼似北山薇薄曉詩名賤于今未忍揮

武林遇李太僕歸省有贈

車從都何甚風塵意不關文寧狗監貴官是馬曹閒薄
有萼鱸興那因桂玉還青門四明客早晚向仙班

其二

閒客平津即仍游七子塲歌成遷幸舍賦上謝貲郎天
自游燕近山從入剡長雲霞護青雀送汝過錢唐

送閩帥狄君入賀萬壽

庚午王正月嵩呼萬國同波臣上金鑑天子宴彤弓僊
露迴顏紫卿雲挾綬紅還應栢梁和驃騎有雄風

周恭人悼亡

婉麗兼三德辛勤佐一官即知丹第好曾斷素機寒桂
魄銷何易蘭魂返更難那堪悼亡鬢此夜欲如潘


其二

曉案猶聞舉春蠶未罷工泉臺人自玉藜閣管堪彤寂

寔魚軒冷淒其蕙帳空周郎能顧曲慎莫唱離鴻

題蘭湖秋色圖送王吏部

秋浦木蘭檝青雲鷓鴣行時人歸簡要循更有輝光水
鏡元同澈露桃難共芳芙蓉池上客誰不向王郎



弇州四部稿卷二十八